



Mesur y Gymraeg (Cymru) 2011

2011 mccc 1

RHAN 4

SAFONAU

PENNOD 2

SAFONAU A PHENNU SAFONAU

Safonau llunio polisi

29 Safonau llunio polisi

- (1) Yn y Mesur hwn ystyr “safon llunio polisi” yw safon—
 - (a) sy'n ymwneud â phenderfyniad polisi, a
 - (b) y bwriedir iddo sicrhau, neu gyfrannu at sicrhau, un neu ragor o'r canlyniadau a ganlyn.
- (2) Y cyntaf o'r canlyniadau hynny yw bod y person sy'n gwneud y penderfyniad polisi yn ystyried pa effeithiau, os o gwbl, (a ph'un ai yw'r effeithiau'n bositif neu'n andwyol) y byddai'r penderfyniad polisi yn eu cael—
 - (a) ar gyfleoedd i bersonau eraill i ddefnyddio'r Gymraeg, neu
 - (b) ar beidio â thrin y Gymraeg yn llai ffafriol na'r Saesneg.
- (3) Yr ail o'r canlyniadau hynny yw bod y person sy'n gwneud y penderfyniad polisi yn ystyried sut y gellid gwneud y penderfyniad fel bod y penderfyniad yn cael effeithiau positif, neu effeithiau mwy positif—
 - (a) ar gyfleoedd i bersonau eraill i ddefnyddio'r Gymraeg, neu
 - (b) ar beidio â thrin y Gymraeg yn llai ffafriol na'r Saesneg.
- (4) Y trydydd o'r canlyniadau hynny yw bod y person sy'n gwneud y penderfyniad polisi yn ystyried sut y gellid gwneud y penderfyniad fel nad yw'r penderfyniad yn cael effeithiau andwyol, neu fel bod y penderfyniad yn cael effeithiau llai andwyol—

Statws This is the original version (as it was originally enacted).

- (a) ar gyfleoedd i bersonau eraill i ddefnyddio'r Gymraeg, neu
 - (b) ar beidio â thrin y Gymraeg yn llai ffafriol na'r Saesneg.
- (5) Yn yr adran hon mae cyfeiriad at effeithiau positif neu effeithiau andwyol yn gyfeiriad at yr effeithiau hynny, boed uniongyrchol neu anuniongyrchol.
- (6) Ystyr “penderfyniad polisi” yw penderfyniad gan berson—
- (a) ynglŷn ag arfer ei swyddogaethau, neu
 - (b) ynglŷn â chynnal ei fusnes neu ymgymeriad arall.